

## **North Sotho - Kganyogo Mangwalo - Lust Scriptures**

**Eksodo 15:9 Lenaba la re: Ke a hlomarela, ke a swara! Ke tlo abaganya dithebola, ka gora ka bona. A nke ke khwamole tšoša, atla sa ka se ba fetše.**

**Eksodo 18:21 Mo setšhabeng ka moka o ikgethele banna ba dinatla, ba ba boifago Modimo, banna ba therešo, ba ba hloilego megabaru; bona o ba bee ba be balaodi ba bona, ba go laola ba sekete, le ba lekgolo, le ba masome a mahlano, le ba go laola ba lesome.**

**Eksodo 20:14 O se ke wa otswa.**

**Eksodo 20:17 O se ke wa duma ntlo ya wa geno. O se ke wa duma mosadi wa wa geno, le molata wa gagwe wa monna le wa mosadi, le kgomo ya gagwe, le pokolo ya gagwe, le tšohle tše e lego tša wa geno.**

**Numeri 11:4 Ba mahlakanasela a batho ba ba bego ba le mo go bona, ba be ba na le teta, le Baisiraele ba aroga ba lla ba re: Ke mang e a kago re fa nama ra ja?**

**Doiteronomio 5:21 O se ke wa duma mosadi wa wa geno. O se ke wa kganyoga ngwako wa wa geno, le ge e le tšhemmo ya gagwe, le ge e le molata wa gagwe wa monna goba wa mosadi, le ge e le pholo ya gagwe, le ge e le pokolo ya gagwe, le tšohle tše e lego tša wa geno.**

**Doiteronomio 12:20 E tlo re ge Morena Modimo wa gago a katološa mellwane ya gago, bjalo ka ge a go boditše, mme wa re a nke ke je nama -- ka gobane pelo ya gago e rata nama -- gona o ka ja nama ka mo pelo ya gago e ratago ka gona.**

**Doiteronomio 22:22 Ge monna a ka hwetšwa a robetše le mosadi e a tšerwego ke monna e mongwe, gona ba bolawe bobedi bja bona, monna eo a robetšego le mosadi, le mosadi yo. Bobe mo go Isiraele bo fedišwe ka mokgwa o bjalo.**

**Joshua 7:21 Mo go dithebola ka bona kobo e botse ya Sineara, le sekele tše makgolo a mabedi tša silifera, le tshipi ya gauta ya boima bja sekele tše masome a mahlano; ka di kganyoga, ka di tšeа šedile, di epetšwe fase mo mokutwaneng wa ka, le disilifera di gona moo.**

**Dipsaleme 10:3 Ba babe ba opela koša ya dikganyogo tša bona; ba megabaru ba a itheta, ba nyatša Modimo.**

**Dipsaleme 78:18 Ba leka Modimo dipelong tša bona ka go lopa dijo ba di kganyogago.**

**Dipsaleme 78:30 Gomme ya re ba sa ja ba sa kganyoga, dijo di sa le fa marameng,**

**Dipsaleme 81:12 Nna ka ba lesa ba ya le bonganga bja dipelo tša bona, ba swara tsela ba itaya.**

**Dipsaleme 106:14 Ba tsenwa ke kganyogo lešokeng, ba leka Modimo ba le gara naga.**

**Dipsaleme 119:36 Ruta pelo ya ka go rata mabohlatse ago, e idiše dikganyogo.**

**Diema 1:19 Ke tšona ditsela tša bohole ballaleru; le tlo ba la amoga beng ba iona bophelo.**

**Diema 6:25 Pelo ya gago a e se kganyoge botse bja gagwe, a se tlo go tanya ka ditebalebo.**

**Diema 15:27 Wa bokgonatha o itšhenyetša motse; go tlo phelamoilatsogolekobong.**

**Diema 21:25,26 Sebodu se ipolaiša dikganyogo; diatla di gana go dira. 26 Go kgopela ga go kgaoge; mme moloki ga konane, o a nea.**

**Diema 28:16 Mokgomamohlokakelello o bata go hlakiša batho;moilamegarbu o tlo phela galelele.**

**Jesaya 56:11 mme dimpsa di bata lejo, ga di hore. Ge e le badiši bona ga ba tsebe tlhaologanyo; bohole ba ya mo ba yago, mang le mang o nyaka lero la gagwe.**

**Jesaya 57:17 Ke be ke befelwa ke dibe tša bona tša bokgonatha, ka ba otla, ka ba ka iphihla ke befetšwe; mme bona ba hlanoga, ba swere tsela ya go ithatela.**

**Jeremia 6:13 Ke ka gobane ka moka ga bona, ba banyenyane le ba bagolo, ke ba mapelompeta; le baporofeta le baperisita ka moka ba a fora.**

**Jeremia 22:17 Ge e le a gago mahlo le pelo ya gago, ke tša go tsoma khumofela, le go tšholla madi a a se nago molato, le go kateletša le go dira ka sehlogo.**

**Jeremia 51:13 Hee wena moaga meetseng a mantši, wena mokgobamahumo, bjale o gomile, go ripša bohodu bja gago.**

**Hesekiele 6:9 Bona baphonyokgi bao ba lena, ba le gare ga bantle bao ba bathopilego, ke bona ba ba tlogo nkgopol, ba lemoga go hlokoga ga ka ga mola dipelo tša bona di ntłhanogela ka bootswa, mola mahlo a bona a bootswa a lebeletše medimo ya bona; mme bona ka noši ba tlo hlaswa mabobe ao ba bego ba a dira, le ditšhila tša bona ka moka.**

**Hesekiele 14:4,5 Bjale bolela le bona o re: Morena Mong wa bohole o re: Mang le mang wa moloko wa Israele e a beilego medimo ya diswantšho pelong ya gagwe, mme a tla go moporofeta, nna Morena ke tlo mo fetola ka le le swanetšego bontši bjoo bja medimo ya gagwe, 5 Gore ba moloko wa Israele ke ba sware ka dipelo tša bona, ka gobane ba ntłhanogetše bohole ka yona medimo yeo ya diswantšho.**

**Hesekiele 22:12** **Ga geno go thula madi go a rekwa, o atiša thuo ka kadimo, o ja wa geno ka go mo pateletša. Ge e le nna o ntibetše. O realo Morena.**

**Hesekiele 33:31** **Ba tla go wene ka mokgwa wa setšhaba, ba dula pele ga gago eke ke setšhaba sa ka, ba kwa tše o di bolelago; fela, ga ba di dire; ba ratega ka melomo; ge e le dipelo tša bona di ile le megabaru.**

**Hosea 4:12** **Tšhaba sa ka se rapela kwata ya sona; se laiwa ke diphatana tša sona; ke moyo wa bootswa o se timetšago, ba hlanoga ba lahla Modimo wa bona.**

**Hosea 5:4** **Mediro ya bona e ba šitiša go boela go Modimo wa bona, gobane ba tsenwe ke moyo wa bootswa. Mme Morena ga ba sa mo tseba.**

**Mika 2:2** **Ba duma mašemo, mme ba a utšwa; ba kganyoga nywako ba tla ba e tše; motho le lapa la gagwe ke tša go tšewa ka šiši ke bona.**

**Nahume 3:4** **Molato ke mabootswa a magolo a seotswa seo sa bonatla le boleta, molakabalo, mmapatšaditšhaba ka bootswa bjagwe, mmapatšadilete ka boloi bjagwe!**

**Habakuku 2:9** **Joo, joo, mokgothathuompe a šetša motse wagwe, mophagamišasehlaga a re ke efa dikotši!**

**Mateo 5:28** **Ge e le nna ke le botša ke re: Mang le mang e a lebelelago mosadi a mo kganyoga, o šetše a otswitše pelong ya gagwe.**

**Mareko 4:19** **gwa tsena pelaelo tša bophelo bjono, le bofora bja lehumo, le dikganyogo tša dilo tše dingwe, tša bipa lentšu, mme le opafale.**

**Mareko 7:22** **Le tša tlhalo, le tša megabaru, le tša lonya, le tša bomenetsa, le tša bohori, le tša mona, le tša mahlapa, le tša boikgodišo, le tša bošilo.**

**Luka 3:14** **Le bahlabani ba mmotšiša ba re le rena re tlo dirang?**

**Yena a re:** **Le se ke la tlaletša batho; le se ke la hlakola; le kgolwe ke moputso wa lena.**

**Luka 12:15** **A tsebo bolela le bona a re: Phafogang, le ile megabaru; gobane bophelo bja motho ga bo tšwe lehumong le go tše a di ruilego.**

**Luka 16:14** **Tšohle tše, le bafarisei ba di kwa, bona ba go bušwa ke megabaru; mme ba mo kwera.**

**Johane 8:44** **Tataweno yo le tšwago go yena ke Diabolo; mme le phegella go dira mediro ya yena tataweno eo. Ke yena senokwane go tloga mathomong, gobane mo go yena therešo ga e yo, ge a bolela maaka, o bolela tša gagwe; gobane ke yena moaketši le rragomoaketši.**

**Ditiro tša BaApostola 20:33** **Ga go motho yo ke mo lopilego gauta le ge e le silifera le ge e le kobo.**

**BaRoma 1:24-29** **Modimo a ba a ba lesa ba ya le dikganyogo tša dipelo tša bona, ba tsena ditšhileng ba ikgoboša mebele. 25 O ba bone ba hlanogetše therešo ya Modimo ba ya le maaka, ba ipega go dibopša ba di hlankela, ba hladile Mmopi Moretwa wa mehleng. Amen. 26 Molato ke wona woo ge**

**Modimo a ba gafa ba ya le ditumo tše di lešago dihlong; basadi ba bona ba tlogela modirelo wo ba o bopetšwego, ba tšea modirelo wo ba sa kago ba bopelwa wona; 27 banna ba tla ba tlogela modirelo wo ba o bopetšwego wa go dula le mosadi, ba fišegelana monna a duma monna, ba dira tša dihlong; gomme kotlo ya phapogo ba e bona mebeleng ya bona. 28 Ke ka gobane ba nyaditše Modimo, ba nyatša go mo tseba. Modimo a ba lesa ba ya le kgopolو tša lefela, ba dira tše di sa dirwego, 29 ba tletše bobe bjohle, le bootswa, le bohlola, le megabaru; ba tletše mona le bobolai, le mereba, le maaka, le bomenetša;**

**BaRoma 6:12 Bjale mebeleng ya lena ya go hwa, bobe bo se hlwe bo buša le laolwa ke dikganyogo tša mmele.**

**BaRoma 7:7 Re reng bjalo? A Molao ke sebe? Ga go bjalo. Fela, sebe nka be ke sa se lemoge ge e se ka Molao; nka be ke sa tsebe se kganyogo e lego sona, ge Molao o ka be o se re: O se ke wa kganyoga.**

**BaRoma 13:9,14 Gobane ge go itšwe: O se ke wa otswa, o se ke wa bolaya, o se ke wa utswa, o se ke wa bolela bohlatse bja maaka, o se ke wa kganyoga, le ge go ka ba le molao o mongwe, ka moka e akaretšwa ke lentšu la go re: Wa geno o mo rate ka mokgwa wo o ithatago ka wona. 14 Aparang Morena Jesu Kriste; gomme pabalelo ya mmele le se ke la e fetišetša dikganyogong.**

**1 BaKorinthe 5:10,11 Ga se go re ke ra diotswa tša ba lefase le, le ba megabaru, le bahlakodi, le ba medimo e šele; ge nka be ke era bona, gona e ka ba go re le tloge lefaseng. 11 Se ke le ngwaletšego sona ke go re le se ke la hlakana le motho yo le rego ke ngwana weno, moka a ba seotswa, a ba wa megbaru, a ba wa medimo e šele, a ba wa maroga, a ba letagwa, a ba mohlakodi. Motho wa mohuta woo, le go ja le se ke la ja le yena.**

**1 BaKorinthe 6:9,10 Le gona, a ga le tsebe gobane ba ba sa lokago ba ka se be le kabelo mmušong wa Modimo? Lesang go iphora: Ba diotswa, le ba medimo e šele, le bahladi, le dhlotlolo, le ba go dira ditšhila le banna ka bona. 10 Le mahodu, le ba megabaru, le matagwa, le ba maroga, le bahlakodi, ba ba bjalo ga ba na kabelo mmušong wa Modimo.**

**1 BaKorinthe 10:6 Gomme dilo tše di diregile gore di re lemoše gore re lese go kganyoga tše mpe, re se etše bona ba go di kganyoga.**

**1 BaKorinthe 12:31 Phegelelang dineo tše di phadišago tše, ke tle ke le bontšhe tsela e phalago dineo tše kgolekgole.**

**1 BaKorinthe 14:39 Ke gona, Banabešo, phegelelang go porofeta; le go bolela ka maleme le se ke la go thibela.**

**2 BaKorinthe 9:5 Nna ke hweditše go swanetše, ge bana ba borena bao ke ba kgopela gore ba nthake pele, ba tle go lena ba lokiše ditshetšo tše di boletšwego, ke hwetše di lokišitšwe e le ditshetšo, e se neo tša ba nago**

le tseba.

**BaGalatia 5:16-20** Swarang tsela le išwa ke Moya, ke mo le tlogo lesa go phetha ditumo tša nama. 17 Tše nama e di dumago, di loša Moya; gomme tše Moya o di dumago, di loša nama. Dilo tše di a ganana; di le šitiša go dira se le se ratago. 18 Gomme ge le dumela go hlahliwa ke Moya, ga le sa bušwa ke Molao. 19 Mediro ya nama yona e pepeneneng; ke tlhalo, le bootswa, le ditšila, le bohlotlolo. 20 Ke go hlankela medimo, le boloi, le tlhoyano, le dintwa, le pefelo, le bogale, le ditshele, le bogarigari.

**BaGalatia 5:24** Gomme ba e lego ba Jesu Kriste ba kokotetše nama sefapanong gotee le ditumo le dikganyogo.

**BaEfeso 2:1-3** Le lena ba le bego le hwetše dikarogong le dibeng, o le phedišitše, 2 le be le ile le tšona ka mokgwa wa lefase leno, le bušwa ke mmuši wa mmušo wa sebakeng, ke moyo wo mehleng yeno o dirago ka maatla mo baneng ba go se kwe. 3 Le rena ka moka re be re ile le bona ka dikganyogo tša nama ya rena, re sa dira se se bego se ratwa ke nama le maikwelo a rena, re sa le bana ba ba swanago le ba bangwe bao ba ba tswaletšwego go tlo galefelwa.

**BaEfeso 4:19** Ba reteletše ba inela bohlotlolo, ba dira tša ditšila ba ile le dikganyogo.

**BaEfeso 4:22-27** Ke gona apolang tše e lego tša tsela ya kgale, tša motho e motala, e a senyegago a forilwe ke dikganyogo. 23 Sa lena a e be go mpshafatšwa moyeng wa dipelo tša lena. 24 Le apare motho e mofsa, e a bopetšwego go etša Modimo go lokeng le kgethegong ya makgonthe. 25 Ke gona apolang maaka; ge le boledišana le bolele therešo, gobane re ditho seng sa rena. 26 Ge le galefa le se ke la senya; a letšatši le se dikele le sa galefile. 27 Mme le se ke la šuthela Diabolo sebaka.

**BaEfeso 5:3,5** Ge e le bootswa, le ditšila ka moka, le megabaru, tše bjalo le go bolelwa di se ke tša bolelwa mo go lena; ke sona se se swanetšego bakgethwa. 5 Le fele le tseba gore e ka ba seotswa, le ge e le wa ditšila, goba wa megabaru -- gobane wa megabaru o direla medimo e šele -- bohole bao ga ba na kabelo mmušong wa Kriste le wa Modimo.

**BaKolose 3:5** Bolayang ge tše dithong tša lena e lego tša lefase, e lego bootswa, le ditšila, le tumo, le kganyogo e mpe, le megabaru e lego go direla modimo o šele;

**1 BaThesalonika 2:5** Gobane ga re ešo ra ba ra bolela re latswa ka leleme, le lena le a tseba; Modimo ke hlatse ya ge re se na maano a go apeša megabaru.

**1 BaThesalonika 4:3-7** Se Modimo a se ratago ke kgethego ya lena, gore le ile bootswa. 4 Mang le mang e lego wa lena a tsebe mosadi e lego wa gagwe ka mokgwa wa kgethego le wa go mo godiša. 5 A e se be ka phišego le

**kganyogo boka bantle ba ba sa tsebego Modimo.** 6 Mo go tše le di dirago go se ke gwa ba go jana le go forana; gobane Morena ke Molefetsi wa dilo tše bjalo ka moka. Ke tše re le boditšego kwale ra tiiša go le hlatsela tšona. 7 Gobane se Modimo a re bileditšego sona ga se dišila, ke kgethego.

**1 Timotheo 3:3,8** E se ke ya ba monwi wa sedila, e se ke ya ba motiabatho le mollaleruo; a e be yo botho, moiladikgang, e a se nago megabaru. 8 Le badiredi e be batho ba bothakga, e se be baradia, e se be ba ba ineetšego go nwa sedila le ballaleruo.

**1 Timotheo 6:9,10** Gobane ba ba ratago go huma ba wela melekong le mereong; ba ya le dikganyogo tše ntši tša bošilo tše di gobošago motho tša mo senya, tša mo tekesetša tshenyegong le tahlegong. 10 Gobane megabaru ke wona modu wa bobe ka moka; gomme ba bangwe ba go kekela go tšona ba arogile tumelo ba ikobela mehlako e mentši.

**2 Timotheo 2:22** Tšhaba dikganyogo tša bosogana. Phegelela toko le tumelo, le lerato le leago gammogo le ba ba rapelago Morena ka pelotshekegi.

**2 Timotheo 3:2,6** Batho e tlo ba ba go ithata, ba megabaru, ba lenyatšo le baikgogomoši, le ba maroga, le ba go se kwe batswadi, ba go se leboge, ba go se ile selo. 6 Go bona bao go na le ba go tsenela ba bangwe dintlong, mme ba thopa basatšana ba ba imetšwego ke dibe, ba ba gogwago ke dikganyogo tša mehutahuta.

**2 Timotheo 4:3** Gobane go tlo tla lebaka le ba ka se kego ba kgona go theetša thuto ye e phedilego; ba tlo ikgobela baruti ka go ya le dikganyogo tša bona, ka go rata go kwiša ditsebe bose.

**Tito 2:12** Ke yona e re rutago go lahla go nyatša Modimo, go lahla dikganyogo tša lefase; gore mehleng yeno re phele re eletšegile, re loka, re na le borapedi,

**Tito 3:3** Gobane le rena kgale re be re le mašilo, re le batho ba ba sa kwego, re timetše re gogwa ke dikganyogo le mathabo a mehutahuta, re keka le bobe le mona, re le ba go hloiwala le gona re hloyane.

**BaHebere 13:5** Menagano a e se be ya megabaru. Le be ba ba kgodilwego ke tše di lego gona. Yena mong o boletše a re: Nka se ke ka go lahla; nka se ke ka go tlogela.

**Jakobo 1:14,15** Mang le mang e a lekwago, o gokwa a gogwa ke tumo ya gagwe. 15 Mme tumo ge e amere, e tswala sebe; sebe sona ge se phethegile, se tswala lehu.

**Jakobo 4:1-5** Dintwa le diphapang gare ga lena di tšwa kae? Mo di tšwago gona šefa: A ga se dikganyogong tša lena di lošanago mo dithong tša lena? 2 Le a duma, la napa la hloka; le a bolaya mme le a galefa, la šitwa go fihlela selo; Le a katana mme le a hlabana, mme le se tšee selo ka ge

**le sa rapele. 3 Le a rapela, mme ga le fiwe selo, ka ge le rapela ka mokgwa o mobe, le kgopela tše le ratago go di tšitlanya le eya le dikganyogo tša lena. 4 Lena diotswa tenang! A ga le tsebe gore lerato la lefase ke go direla Modimo bonaba? E a ratago go gwerana le lefase, o itira lenaba la Modimo. 5 A le re Mangwalo a bolela lefela? Moya wo o agilego mo go rena o hlogetšwe wa lehufa.**

- 1 Petro 1:14 le be bana ba ba kwago, le lese go keka le tšela tša kgale tša dikganyogo tša mola le sa le ba go se tsebe.**
- 1 Petro 2:11 Barategi! Ke a le rapela, lena bafaladi le baeng; ke re le ile ditumo tša nama tše di lošago moyo.**
- 1 Petro 4:2-4 gore ge le sa šaletšwe ke lebaka la go phela nameng, le se hlwe le phelela dikganyogo tša batho, le phelele thato ya Modimo. 3 Gobane ga go sa nyakwa tša mehla ye e fetilego, tša ge re sa dira tše di ratwago ke bantle tša go keka le maipshino le dikganyogo le botagwa le bohori le go nwa, le mekgwa ye e ronago ya go direla medimo e šele. 4 Ke sona se se ba tlabago, ge le sa etše bona la kitimela moo ba itahlelagoo bohlola, mme ba le goboša.**
- 2 Petro 1:4 Ke tšona tše a re filego dikhlofediso ka tšona, tše bohlokwa ruri le tša theko e kgolo, gore ka tšona le tle le amane le se yena Modimo a lego sona, le le ba ba tšhabilego go senyega ka dikganyogo tša lefase.**
- 2 Petro 2:3 Ba tlo leka go le fora ka dipolelo tša maano ba dirwa ke megabaru. Fela ke bona le kgale kahlolo e sa diegego go ba wela, mme kotlo ya bona ga e robale.**
- 2 Petro 2:9-19 Ke mo go bonalago gore Modimo, ba ba mmoifago o ba hlakodiša melekong; bakgopo o ba bolokela kotlo ya tšatši la kahlolo. 10 Gagologolo kotlo e tlo wela ba go latela nama ba gogwa ke dikganyogo tša ditšhila, le ba go nyatša go bušwa, ba mereba, baikgogomoši ba ba sa šiego go goboša tša letago, 11 Mola barongwa ba ba ba phalago ka thata le ka maatla ba sa ba bege go Morena ka maroga. 12 Ba bjalo ka diphoofolo tše di se nago tlhaologanyo, tše di bopetšwego go tanywa le go bolawa, ge ba goboša tše ba sa di tsebego. Ba tlo senyegela tshenyegong ya bona, 13 Ba tlo fiwa moputso wa bokgopo, bona bao ba go bona maipshino, e le menate ya letšatši le tee. Ke bafefa, ke ditšhila. Ba iphsina ka dithuto tša go iphora ge ba eja menyanya le lena. 14 Ke ba mahlo a a tletšego bootswa, ga ba hore sebe; ba goketša dipelo tša bafokodi; tša bona dipelo di hlalefetše megabaru. Ke bona ba go tlo lahlwa. 15 Ba arogile tsela ya go loka; ba timetše ka go tše ka tsela ya Bileama morwa wa Beoro, e a ratilego moputso wa bokgopo, 16 A tla a solwa a arogile; lekaba la semuma la bolela ka lentšu la motho, la diba bošilo bja moporofeta. 17 Batho bao ke didiba tše di se nago meetse; ke kgodi ye a**

**tšewago ke ledimo; ba boloketšwe kgampi ya leswiswi la go ya go ile. 18 Ba ba sa tšwago go phonyokga ka go kgaogana le ba go tšeа ka tsela ya timelo, ba ba goketša ka dipolelo tša boikgantšho bja lefela, le ka maipshino a nama le a ditšhila. 19 Ba ba holofetša khunologo, mola bona beng e sa le mathopya a tshenyego. Gobane se motho a fentšwego ke sona, o ba lethopša la sona.**

**2 Petro 3:3 Sa pele se le swanetšego go se tseba ke se: Mehleng ya bofelo go tlo tsoga bakweri ka dikwero, ba go ya ka tsela ya dikganyogo tša bona.**

**1 Johane 2:15-17 Le se ke la rata lefase le tša lefaseng; ge motho a rata lefase, lerato la Tata wešo ga le gona mo go yena. 16 Gobane tšohle tša lefaseng, e lego kganyogo ya nama, le kganyogo ya mahlo, le go phela ka go ikgogomoša, ga di tšwe go Tata wešo, di tšwa lefaseng. 17 Gomme lefase le a feta, le yona kganyogo la Iona. E a tlogo dula a le gona go ya go ile, ke eo a dirago tše Modimo a di ratago.**

**Juda 1:11 Kotlo e tlo ba wela, gobane ba ile ka tsela ya Kaine, ba itahletše go forwa ke moputso wa Bileama, ba loba ka bonganga bja Kora.**

**Juda 1:15-19 O tla go sekiša bohole; ba ba ba sa dumelego o tlo ba lahla bohole ka baka la mediro ya bona ka moka ya go se dumele, ye ba sentšego ka yona, le ka baka la dipolelo tše thata ka moka tše badiradibe bao ba mmoletšego ka tšona. 16 Ke batho ba go hlwa ba tsota, ke bagaladi, ba ba yago ka dikganyogo tša bona, mme melomo ya bona e bolela ka go ikgogomoša; ba reta motho a le gona, gore ba hwetše tše di ba holago. 17 Ge e lena barategi, le se lebale ditaba tše di boletšwego kgale ke baapostola ba Mong wa rena Jesu Kriste. 18 Ba le boditše ba re: Mabakeng a bofelo go tlo ba le bakweri, bao tsela ya bona e tlogo ya mo ba išwago ke dikganyogo tša bona tše go se dumele. 19 Ke bona ba go hlola diphapang, ba go ya ka maikutlo ba se na Moya.**

**Kutollo 18:14 Le dienywa tša lehlabula tše pelo ya gago e di kganyogago, di go tlogile; le tša maipshino, le tša boitšhepi, di go timeletše. O ka se hlwe o di hwetša.**